



No'kis q. A.Dosnazarov k. 62 u'y, tel: 8 (361) 222-24-37, 222-24-63, faks: 222-95-20,
web-site: <http://kkedu.uz>, e-mail: qoraqalpogiston_xtv@xtv.uz

« 26 » Апрель 2021 ж.

03-03/01- 2134 - санлы

Барлық қала хәм районлық
халық билимлендириў бөлими
баслықларына сондай-ақ,
республикалық бойсыныўдағы
билимлендириў мәкемелери
директорларына

Қарақалпақстан Республикасы Министрлер Кеңесиниң 2021-жыл 21-апрельдеги “Жалар бәнтлигин тәмийинлеў хәм олардың бос ўақытларын мазмунлы шөлкемлестириў бойынша ис-илажлары хаққында”ғы 01-08/10-04/185-санлы мәжилис баянламасын басшылыққа алыўыңызды хәм орынланыўын тәмийинлеўиңизди сорайман.

Министр орынбасары

Ш.Таджимуратов

Орынлаўшы: Р.Танирбергенов
Тел: (61)222-24-29

01-08/10-04/185

21.04.2021

ТАСДИҚЛАЙМАН

Қорақалпоғистон Республикаси
Вазирлар Кенгашининг Раиси



Қ.Сариев
« 21 » апрель 2021 йил

**Қорақалпоғистон Республикаси Вазирлар Кенгаши мажлисининг
БАЁНИ**

« ____ » апрель 2021 йил

Нукус шаҳри

Раислик қилувчи: **Қ.Сариев**

Қорақалпоғистон Республикаси
Вазирлар Кенгашининг Раиси

Қорақалпоғистон Республикаси
Вазирлар Кенгаши Раисининг
ўринбосарлари

Иштирок этганлар:

вазирлик, идора ва ташкилотлар
раҳбарлари (рўйхат бўйича)

КУН ТАРТИБИ:

**Ёшлар бандлигини таъминлаш ва уларнинг бўш вақтини мазмунли
ташқил этиш чора-тадбирлари тўғрисида**

(Сариев, Ерлеспесов, С.Хожаметов, Жуманов, Турдиев, Байниязов, Реимов, Данияров, Атамуратов)

Маълумки, 2021 йил мамлакатимизда “Ёшларни қўллаб-қувватлаш ва аҳоли саломатлигини мустақкамлаш йили” деб эълон қилиниб, бу борада давлат дастури қабул қилинди.

Жорий йилнинг 27 январь куни бўлиб ўтган йиғилишда соҳадаги муҳим вазифалар белгилаб олиниб, бир қатор ишлар амалга оширилди.

Республика бўйича 36,9 минг нафар ишсизлар “Ёшлар дафтари”га киритилган бўлса, шундан биринчи чорада 24,6 минг ёшларнинг бандлиги таъминланди.

Ёшларнинг бўш вақтини мазмунли ўтказиш мақсадида 350 та қўшимча тўғарақлар ташқил этилиб, 4,6 мингга яқин ёшлар жалб этилди.

Беш муҳим ташаббус доирасида 1018 та маданият, спорт инвентарлари ва компьютерлар, 33,4 мингга бадий китоб таълим муассасалари, кутубхона ва ўқув марказларига етказиб берилди.

Шу билан бирга, ёшлар ўртасидаги муаммоларни бартараф этиш борасида ҳалигача қўплаб камчиликлар сақланиб қолмоқда.

Кун тартибига қўйилган масала юзасидан билдирилган таклиф ва мулоҳазалардан келиб чиқиб, мажлис қарор қилади:



1. Ўзбекистон Республикаси Президенти Ш.М.Мирзиёев раҳбарлигида 2021 йил 13 апрель куни ўтказилган видеоселектор йиғилишининг 18-сон баёни раҳбарлик ва ижро учун қабул қилинсин.

2. Мазкур баён қарори билан:

Ёшлар билан ишлашни лозим даражада ташкил этмагани учун Сурхондарё вилояти ҳокимининг ёшлар масалалари бўйича ўринбосари (Бегимкулов), Фурқат тумани ҳокими (Солиев) ва Улугнор тумани ҳокими (Махсудов);

ёшлар жинойатчилигининг олдини олиш бўйича зарур чоралар кўрмагани учун Шофиркон ва Қамашчи туманлари прокурорлари, Хива ва Чуст туманлари ички ишлар бўлимлари бошлиқлари;

ёшлар тадбиркорлигини қўллаб-қувватлашда сусткашликка йўл қўйгани учун Хўжайли ва Ангор туманлари солиқ идоралари раҳбарлари лавозимидан озод этилганлиги;

шунингдек, ёшлар билан ишлашни ўз ҳолига ташлаб қўйгани учун Фарғона давлат университети (Махсудов), Самарқанд давлат архитектура-қурилиш институти (Ахмедов), Қўқон давлат педагогика институти (Отажонов) ректорлари ва Тошкент кимё-технология институтининг Янгиер филиали директори (Олимов) лавозимидан озод этилганлиги маълумот учун қабул қилинсин.

3. Савдо-саноат палатаси Қорақалпоғистон Республикаси бошқармаси (Жолдасов) 2021 йил 2 чораги давомида “1+1” дастури асосида тадбиркор ва хунармандларга бириктириш орқали 1123 нафар ёшлар қамраб олинишини таъминласин.

Мазкур топшириқлар ижроси таъминланмаган ҳолатда масъуллар лавозимидан озод этилиши белгилаб қўйилсин.

4. Қорақалпоғистон Республикаси Вазирлар Кенгаши Раисининг ўринбосари М.Жуманов, Ёшлар ишлари агентлиги Қорақалпоғистон Республикаси бошқармаси (Данияров), Нукус шаҳар ва туманлар ҳокимлари, сектор раҳбарлари ёшлар бандлигини таъминлаш ва уларга муносиб даромад олиши учун шароит яратиб беришга энг муҳим вазифа сифатида алоҳида эътибор қаратсин.

5. Нукус шаҳар ва туманлар ҳокимлари, сектор раҳбарлари томонидан ҳафтанинг ярми ёшлар масалаларига ажратилиши белгилансин.

6. Қорақалпоғистон Республикаси Вазирлар Кенгаши Раисининг биринчи ўринбосари Н.Ерлепесов, Молия вазирлиги (Содиков), Бандлик ва меҳнат муносабатлари вазирлиги (Алимов), Ёшлар ишлари агентлиги Қорақалпоғистон Республикаси бошқармаси (Данияров) бир ой муддатда ёшлар тадбиркорлигини қўллаб-қувватлаш борасидаги имкониятларни янада кенгайтириш ва бандлигини таъминлаш бўйича янги механизмларни белгиланган тартибда жорий этсин. Бунда:

2021 йил 1 майдан бошлаб:

ёшларни ишга қабул қиладиган корхона ва компанияларга ушбу ходимлар учун тўланган ижтимоий солиқни қайтариб бериш;

“Ёшлар дафтари”га кирган 5 нафардан ортиқ ишсизлар бандлигини таъминлаган тадбиркорларга давлат мулки ижараси учун 50 фоизгача имтиёз бериш;

ходимлари сонининг камида 70 фоизи “Ёшлар дафтари”га кирган ёш тадбиркорларга давлат мулкини аукционсиз бериш ва улардан 5 йил давомида ижара ҳақи ундирмаслик;

ёшларга тадбиркорлик фаолиятига керакли асбоб-ускуналарни харид қилиш учун 10 миллион сўмгача субсидиялар бериш;

2021 йил 1 июндан бошлаб:

“Ёшлар дафтари”га кирган талабалар ташкилотларда амалиёт ўтаганда, уларга 500 минг сўмгача субсидия ажратилишини таъминлаш;

биринчи марта ишга кирган касб-хунар марказлари битирувчиларини 6 ойгача даромад солиғи тўлашдан озод этиш;

ижарага бино олиб, ўз бизнесини бошлаётган ёшларга бир йиллик ижара суммасининг 30 фоизгача қисмини қоплаб бериш назарда тутилсин.

7. Нукус шаҳар ва туманлар ҳокимлари беш кун муддатда ёшларни тадбиркорликка жалб қилиш ва бандлигини таъминлаш режа-жадвалларини тасдиқлаб, янги ташаббусларни амалга оширсин.

8. **Қорақалпоғистон Республикаси Инвестициялар ва ташқи савдо вазирлиги (Жоллыбеков), Иқтисодий тараққиёт ва камбағалликни қисқартириш вазирлиги (Шамуратов)** Нукус шаҳар ва туманлар ҳокимлари билан бирга **2021 йил 1 июнга қадар** камида 1 та “Ёшлар саноат ва тадбиркорлик зоналари”ни ишга туширишга шахсан масъул этиб белгилансин.

9. **Қорақалпоғистон Республикаси Вазирлар Кенгаши Раисининг ўринбосари С.Хожаметов, Фермер, деҳқон хўжаликлари ва томорқа ер эгалари Кенгаши (Нурымбетов)** туманлар ҳокимлари билан биргаликда қишлоқдаги ёшларни уларга ажратилган ерларни ўзлаштириш, агротехник тадбирларни ўтказиш ва ердан даромад олишга ўргатишни ҳокимлар, сектор ва кластер раҳбарлари “патронаж”га олишини таъминласин.

Бу соҳада ёшларнинг ердан даромадга киришгача бўлган даврида “устоз ва шогирд” тизими жорий қилиниб, фермер, кластер ҳамда сектор раҳбарлари томонидан ёшларга амалий ёрдам кўрсатилиши йўлга қўйилсин.

10. **Қорақалпоғистон Республикаси Вазирлар Кенгаши Раисининг ўринбосари С.Хожаметов, Бандлик ва меҳнат муносабатлари вазирлиги (Алимов), Фермер, деҳқон хўжаликлари ва томорқа ер эгалари Кенгаши (Нурымбетов)** икки ҳафта муддатда субсидияга эҳтиёжи бор ёшларнинг “маҳаллабай” рўйхатини шакллантириб, “Ёшлар дафтари”га кирган ва деҳқончилик қилаётган ёшларга уруғлик ва кўчатлар хариди учун 2 миллион сўмгача субсидия ажратилишини йўлга қўйсин.

11. Нукус шаҳар ва туманлар ҳокимлари, туман (шаҳар) молия бўлимлари бошлиқлари ёшлар билан “маҳаллабай” учрашиб, бюрократия ва коррупциясиз субсидия ажратишга шахсан жавобгар этиб белгилансин.

12. **Қорақалпоғистон Республикаси Вазирлар Кенгаши Раисининг биринчи ўринбосари Н.Ерлеспесов, Давлат солиқ бошқармаси (Бекчанов),**

Молия вазирлиги (Содиков) 2021 йил 1 июнга қадар ёшлар тадбиркорлиги ва бандлиги масалалари бўйича ҳокимлар ва сектор раҳбарлари фаолиятини ҳар ойда таҳлил қилиб, яхши ишлаганлар ойлигига 50 фоизгача устама бериш тизимини йўлга қўйсин.

13. Қорақалпоғистон Республикаси Вазирлар Кенгаши Раисининг биринчи ўринбосари Н.Ерлепесов 10 кун муддатда Нукус шаҳар ва туманлар ҳокимларининг биринчи ўринбосарлари томонидан ёшларнинг тадбиркорлик фаолиятини қўллаб-қувватлаш ва бандлигини таъминлаш мақсадида яратилаётган имтиёз ва қулайликлар ҳақида телевидениеда чиқиш қилиш орқали аҳолига, айниқса ёшларга тушунтириб берилишини таъминласин.

14. Қорақалпоғистон Республикаси Вазирлар Кенгаши Раисининг ўринбосари М.Жуманов, Молия вазирлиги (Содиков), Бандлик ва меҳнат муносабатлари вазирлиги (Алимов), Халқ таълими вазирлиги (Реимов), Касбий таълимни ривожлантириш ва мувофиқлаштириш бошқармаси (Қанглибеков), Ёшлар ишлари агентлиги Қорақалпоғистон Республикаси бошқармаси (Данияров) Нукус шаҳар ва туманлар ҳокимликлари билан биргаликда 2021 йилда таълим муассасалари битирувчиларини касб-хунар ва тадбиркорликка ўқитиш ҳамда ишга жойлаштириш бўйича манзилли чора-тадбирларни ишлаб чиқсин.

15. Нукус шаҳар ва туманлар ҳокимлари ўн кун муддатда “Баркамол авлод” марказларида замонавий тўғараклар очиш ва уларнинг ҳар бир мактабда тармоқ филиалларини ташкил этиш орқали қамровни камида 3-5 бараварга ошириш бўйича режа ишлаб чиқсин.

Белгиланган вазифалар ижросини таъминлаш орқали республика бўйича камида 35 минг нафар ёшлар қамраб олинishi таъминлансин.

“Баркамол авлод” болалар мактаблари ва унинг тармоқ филиаллари моддий-техника базасини мустаҳкамлаш, зарур жиҳоз ва хом ашё етказиб бериш ҳамда зарур бўлган кўшимча штат бирликлари учун маҳаллий бюджет ҳисобидан маблағ ажратиш таъминлансин.

16. Қорақалпоғистон Республикаси Вазирлар Кенгаши Раисининг маслаҳатчиси Р.Зарикеев, Жисмоний тарбия ва спорт вазирлиги (Байниязов), Халқ таълими вазирлиги (Реимов), Касбий таълимни ривожлантириш ва мувофиқлаштириш бошқармаси (Қанглибеков), Ёшлар ишлари агентлиги Қорақалпоғистон Республикаси бошқармаси (Данияров) 2021 йилда ёшларнинг таълим муассасалари спорт заллари ва майдонларида тўғараклар ва мусобақаларга жалб қилинишини таъминласин. Бунда:

таълим муассасалари спорт заллари ва майдонларидан дарсдан ташқари вақтларда соат 18-00 дан 22-00 га қадар ёшлар шуғулланиши учун Туризм ва спорт вазирлиги томонидан малакали тренерлар жалб қилиниши;

спорт залларини доимий равишда фойдаланиш учун сақланишини таъминлаш мақсадида ҳар йили маҳаллий бюджетдан жорий таъмирлаш ишларини амалга ошириш учун маблағ ажратилиши белгилансин.

17. Қорақалпоғистон Республикаси Вазирлар Кенгаши Раисининг ўринбосари М.Жуманов, Вазирлар Кенгаши Раисининг маслаҳатчиси

Р.Зарикеев, Ёшлар ишлари агентлиги Қорақалпоғистон Республикаси бошқармаси (Данияров) Нукус шаҳар ва туманлар ҳокимликлари билан биргаликда бир ой муддатда маҳалла, туман, республика даражасида маданият, санъат, спорт, ахборот технологиялари ва китобхонлик йўналишларида танлов ва мусобақалар ўтказиш режа-жадвалини тасдиқласин ҳамда уларни телевидение ва ижтимоий тармоқларда тарғиб қилиб, ижросини ташкил қилсин.

18. Қорақалпоғистон Республикаси Ички ишлар вазирлиги (Темирханов), Миллий гвардия Қорақалпоғистон Республикаси бошқармаси (Юсупов), Ёшлар ишлари агентлиги Қорақалпоғистон Республикаси бошқармаси (Данияров) Нукус шаҳар ва туманлар ҳокимлари билан биргаликда бир ой муддатда ёшлар билан боғлиқ ҳолат оғир бўлган битта туман (шаҳар) ва маҳаллани танлаб, у ерда уюшмаган ёшлар билан ишлаш бўйича намунавий тажриба яратсин.

Бунда, ушбу маҳаллаларда ёшлар билан боғлиқ бирорта муаммо қолмаслигини таъминлаш чоралари кўрилсин.

19. Мазкур мажлис баёни ижросини назорат қилиш Вазирлар Кенгаши Раисининг ўринбосарлари зиммасига юклатилсин.

Баёнлаштирган



Б.Аймбетов

